

Kodi *Ndiyenera* Kuchita Chiyani pa Nkhani ya Mowa?



1

Yerekezani kuti muli paphwando ndipo anzanu ena amsinkhu wosafunika kumwa mowa, apezeka kuti amwa.

Kodi mungatani?

GANIZIRANI IZI

BAIBULO LIMATI: “Wochenjera ndi amene amati akaona tsoka amabisala, koma anthu osadziwa zinthu amangopitabe ndipo amalangidwa.”—Miyambo 22:3.



Poganizira mfundo ya palembali, yankhani mafunso ali m'munsiwa.

Kodi chingachitike n'chiyani ngati mutakhalabe paphwandolo?

Kodi mungatani kuti muchokepo mosamala kuti isakhale nkhani yaikulu komanso kuti anzanu asakusekeni?

Kodi mukuona kuti **simungapirire** ngati anzanu atakusekani?

ZIMENE ZINGAKUTHANDIZENI

Mukambirane ndi makolo anu kuti muwaimbira foni kapena kuwatumizira meseji ngati mutaona kuti mukufunika kuchokapo mwamsanga paphwandolo.

Zimene ndingachite ngati nditapita kuphwando linalake ndipo anthu ayamba kuledzera:



Tiyerekezenso kuti munthu wina akukukakamizani kuti mumwe.

Kodi mungatani?

GANIZIRANI IZI

BAIBULO LIMATI: 'Ngati mukudzipereka kwa winawake . . . mumakhala kapolo wake chifukwa chakuti mumamumvera.'—Aroma 6:16.

Poganizira mfundo ya palembali, yankhani mafunso ali m'munsiwa.

Mukuganiza kuti chingachitike n'chiyani ngati simungayankhe molimba mtima?

Kodi kusadziderera n'kothandiza bwanji ngati anzanu atakukakamizani kuti muchite zinazake?

ZIMENE ZINGAKUTHANDIZENI

Muzidziwiratu zimene munganene. "Ndimakonda kunena kuti, 'Ayi. Panopo ayi.' Ndikatero amandisiya ndipo sandivutitsanso."—Brianna.

Zimene ndinganene ngati munthu wina atandikakamiza kuti ndimwe mowa:

3

Munapita kocheza ndi anzanu ndipo mwazindikira kuti mnzanu amene amayendetsa galimoto waledzera.

Kodi mungatani?



GANIZIRANI IZI

BAIBULO LIMATI: “Munthu woyenda ndi anthu anzeru adzakhala wanzeru, koma wochita zinthu ndi anthu opusa adzapeza mavuto.”
—Miyambo 13:20.



Poganizira mfundo ya palembali, yankhani mafunso ali m'munsiwa.

Mukuganiza kuti chingachitike n'chiyani ngati mutalola kuti dalaivalayo akuyendetsenibe popita kunyumba?

Kodi mungachitenso zotani?

Kodi zimene mungachitezo zingathandize bwanji dalaivalayo komanso anthu ena?

ZIMENE ZINGAKUTHANDIZENI

Pewani kukwera galimoto imene dalaivala wake ndi wokayikitsa. Nthawi zonse muzikonzeratu njira ina imene mungafikire kwanu.

Zimene ndingachite ngati munthu amene akuyendetsa galimoto waledzera:
